



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Invictissimo Principi Lvdovico XIV. Regi Christianissimo.

urn:nbn:de:hbz:466:1-20006



INVICTISSIMO
PRINCIPI
LVDOVICO XIV.
REGI
CHRISTIANISSIMO.



D suscipiendam novam editionem epistolarum Innocentii III. Romani Pontificis duabus præcipuè de causis permotus sum, **REX CHRISTIANISSIME;** tum quia is fuit vir magnus & magnarum rerum patrator, tum quia Ecclesie Gallicane Regumque Francie decessorum tuorum, quos
à ij

EPISTOLA.

*Registr. de ne-
gor. imper. epist.
64.*

*impensè ubique laudat, amantissimus; adeo ut ad Philip-
pum Augustum scribens non dubitaverit asserere gloriam
& magnitudinem sedis apostolica pendere quodam modo
ex incolumitate regni Francorum. Vnde inter ceteros
Reges catholicos, inquit, & Principes Christianos
ferenitatem tuam prærogativa dilectionis ample-
ctimur, & ad ea quæ honorem tuum & incremen-
tum regni Francorum respiciunt propensiùs aspi-
ramus; utpote in cujus exaltatione exaltari credi-
mus apostolicam sedem, & in cujus depressione,
quod absit, ipsam deprimi crederemus. Quare cum
editio illa absolveretur, non alii eam dicari debere arbitra-
tus sum quàm tibi, **MAGNE REX**, qui & jure sangui-
nis tenes eorum Principum provincias quos ille laudat, &
jure successionis defensor es apostolica sedis & Ecclesie Ro-
mana protector. Erunt qui præclara tua facinora pace bello-
que gesta summis ingenii viribus celebrabunt, teque superio-
rem dicent heroibus quos antiquitas venerata est; & id
quidem jure meritoque, cum, præterquàm quòd tu eadem
quæ illi fecisti, eò perveneris celebritate fama ut terra sileat in
conspectu tuo, &, quod est pulcherrimum ac potentissimum
victoriae genus, fortissimas & bellicosissimas gentes terrore
perdomueris, ac munitissimas urbes fama que inexpugnabi-
les compuleris ad deditionem. Nos verò, qui sacrarum li-
terarum studiis incumbimus, laudamus quidem ac suspici-
mus illustria illa gloriosaque facta tua, quæ te Clodovei
Magni, Caroli Magni, Philippi Augusti, Ludovici san-
cti, Francisci primi, Henrici Magni avi tui successorem esse*

EPISTOLA.

probant ; sed tamen in primis colimus eximiam illam erga Deum pietatem quam ubique ostendis , & caritatem in subditos tuos extra regnum Iesu Christi superiore seculo precipitatos arte & industria eorum qui magis sua querebant quam ea quae sunt Iesu Christi. Intelligis profecto , **REX SAPIENTISSIME** , *loqui me de miseris illis qui insidiosorum ac fallacium atatis illius hominum fraudibus circumventi , eorumque figmenta ac deliria sequentes , ac vana pro veris amplectentes , à veritate quidem , quod futurum monuerat Paulus Apostolus , auditum averterunt , ad fabulas autem sunt conversi & ad insanias falsas , secumque posteros suos traxerunt in eandem calamitatem. Tu verò ,* **REX CHRISTIANISSIME** , *illos in viam revocas prudentia & dexteritate admirabili , nihil per vim , nihil per metum agendo , sed tantum ostensa meliore religione , & coërcita novorum hominum libertate intra terminos edictorum regionum ; adeo ut multi eorum ac , ut ita dixerim , innumeri , qui caeco errore deviaverant à recta fide , nunc cognita veritate , volentes lubentesque eos ritus amplectantur quibus olim consecrata est Ecclesia Gallicana ab apostolicis viris qui eam constituerunt. Quae cura religionis Dei adeo altè pectori tuo infixata est ut quum civitas Argentoratensis , quae ad te coronamque tuam spectabat juxta pacta conventa apud Monasterium VVestphalorum & Noviomagum , nuper ad obsequium rediisset , teque Dominum haud invita recognovisset , nihil antiquius aut sanctius habueris quam ut ejus Episcopum , hinc pulsum ante centum & quinquaginta annos , in eam Ecclesiam reduceres quae se à*

EPISTOLA.

*Dagoberto Francorum Rege gloriatur esse fundatam. Facias
ita semper, REX INVICTISSIME, nec unquam in tam
sancto opere aut animus tuus aut fortuna lassetur; & dum
Ecclesiam protegis & ornas, etiam tuo favore prosequere
novam hanc editionem epistolarum Pontificis verè maximi.*

SACRÆ MAIESTATI TVÆ

Lutetiæ Parisiorum Kal. Ianuar.
MDCLXXXII.

Devotissimus subditus
STEPH. BALVZIYS.